

新會梁啟超任公著

文集第十三册

飲冰室合集

上海中華書局印行

飲冰室文集之三十六

復張東蓀書論社會主義運動

東蓀我兄奉書及大箸現在與將來稿本，誦悉一切，承徵鄙見。弟方靡精力於他種箸述，對此問題，不能有刻入詳盡之解答，謹略述所懷。

我兩年來對此問題，始終在徬徨苦悶之中，殊未能發現出一心安理得之途徑以自從事。所謂苦悶者，非對於主義本身之何去何從，尙有所疑問也。正以確信此主義必須進行而在進行之途中必經過一種事實——其事實之性質一面為本主義之敵，一面又為本主義之友。吾輩應付此種事實之態度，友視耶，敵視耶？兩方面皆有極大之利害與之相緣，而權衡利害，避重就輕，則理論乃至紛糾而不易求其真是。吾每積思此事，腦為之炎，今勉強截斷衆流，稍定祈嚮，然終未敢自信也。謹以質諸執事。

吾以為中國今日之社會主義運動，有與歐美最不相同之一點焉。

歐美目前最迫切之問題，在如何而能使多數之勞動者地位得以改善。中國目前最迫切之問題，在如何而能使多數之人民得以變為勞動者。

故在歐美倡此主義，其旗幟極簡單明瞭，亦曰無產階級與有產抗爭而已。中國則有業無業乃第一問題，而有產無產，轉成第二問題。歐美忠實求業之人，略有得業之機會，但其操業所應得之利益，有一部分被人掠奪。

社會主義運動，則謀所以抗正之恢復之。其事爲適合於多數人地位上之要求，故對之能親切而有味也。我國今日之大患，乃在全國人民什中八九，欲求一職業以維持生命，且不可得。歐美有業無產之人所處之境遇，在我國一般人視之已若天堂。其已得有此境遇之人，方且兢兢守之，惟恐失墜。欲其冒險以從事於向上之運動，聞之將掩耳而走。抑此類人在全國中，不過占千百分之一二耳。吾輩若專爲此類人謀，而忘卻其他，則社會所能救濟者幾何？是故「勞動者地位改善」之一語，在歐美言之，則一針見血。在中國言之，則隔靴搔癢也。彼求進一工廠，每日做十二點鐘不停手之工，尚且費幾許情面方能得之。今乃告之曰：『汝宜要求加工價』，此真「何不食肉糜」之類也。故今日中國之社會運動，當以使多數人取得勞動者地位爲第一義。地位取得，然後改善，乃有可言。然則中國人何故失卻勞動地位耶？其原因之一部分，固由政治之混亂使然。而最主要者，乃在受外國資本之脅削壓迫。質言之，則我國人之職業，直接爲外國勞動階級之所蠶食。而我國衣食之資，間接爲外國資產階級之所掠奪也。以最顯著之事實言之，三十年前，食於絲者幾何人？食於茶者幾何人？食於土布者幾何人？食於土糖者幾何人？乃至食於製針製釘者幾何人？而今則皆何如者？歐洲工業革命之結果，昔之恃手工業小商業自養之人，次第失職，敵而走集於都會工廠，變成仰儲錢爲活之一階級。然彼猶有工廠可投，有儲錢可得。不過儲錢殼薄而已，生活不固定而已。勞力之結果，被人掠奪一部分而已。吾國國內，曾未夢見工業革命之作何狀。而世界工業革命之禍殃，乃以我爲最後之尾閭。疇昔食於土布者，今失業矣。能否在門治士達紡績廠儲得一辨尼？疇昔食於鐵工者，今失業矣。能否在必珠卜鐵廠儲得一仙？疇昔食於製糖者，今失業矣。能否在臺灣糖廠儲得一錢？故外國資

本家之對於其本國勞動者也雖掠奪其勞力結果之一部分然猶出其餘瀝以爲河澗療焉而未至於死也。我國人則被其掠奪並餘瀝而不可得乃益吾吭而絕吾粒外國之勞動者欲恢復其被掠奪之部分則直接向本國資本家算帳而已其在我國則本國人尙不配作掠奪者而須間接向外國資本家算帳倘終不能有向外國資本家算帳之能力則雖本國資產階級永遠不發生而吾民之瘵而死者且日相望也外國資本家若悉數將其勢力移植於我國之通商口岸乃至內地以從事掠奪則我之對付彼輩可以全仿彼國勞動階級對付彼輩之成法毫無問題今也不然彼輩勢力之移植雖著著進行然爲勢甚緩以今日及最近之將來的情形而論彼輩仍然是安坐倫敦紐約巴黎大阪以擇吾肉而吸吾血吾國之社會主義運動無論若何猛烈彼輩曾不感絲毫苦痛彼輩所最願望者則吾國長在此種不死不活之紛擾中生產力日益凋竭而人生必要之消費終不能免我既無力自給彼乃憑藉舊勢益恣侵略而彼輩在本國因受勞動階級反對所生之損失乃於我焉取償信如是也則我雖將國內資產均之又均若五雀六燕銖黍罔失其平而我社會向上之效終茫如捕風譬猶汙池垂涸之水大魚跳梁一口多吸誠屬可憎然苟終無術以濟其涸則雖無大魚而羣魚之必涸死固且晚間事也中國現象若循以前之趨勢而無所更張其結果則所謂階級者非自國內縱分而自國際上橫分壓制階級掠奪階級之大本營在倫敦紐約巴黎大阪諸地而凡居於禹域二十一行省之人皆被壓制被掠奪之階級也對於外部壓制者掠奪者絲毫不能抵抗而惟內部之被壓制被掠奪者互爭錙銖之短長終復何益故吾以爲在今日之中國而言社會主義運動有一公例當嚴守焉曰

在獎勵生產的範圍內爲分配平均之運動若專注分配而忘卻生產則其運動可謂毫無意義。

此公例者不必再加說明吾信無論何人當皆承認既承認矣則連屬而起者有兩問題。

第一有何良法一面能使極衰落極幼稚之生產事業可以蘇生萌達一面又防止資本階級之發生。

試將社會主義家所提出數種主要救濟方法一檢校之其第一法則將原有生產機關由直接在該機關內服勞役之人共同管理也此法是否為最良之法姑勿深論然欲行此法必先以國內有許多現成之生產機關為前提若如今日之中國生產事業一無所有雖欲交勞動者管理試問將何物交去若必勉強將國內現有區區百數十家之工業礦業所收容工人多則千數少則數十者施行共管制度無論各該業現役工人所得利益多少且未敢言也藉曰誠有利矣然食其利者最多亦不過數萬人於全國數萬萬人失業救濟之問題絲毫無所補益而固有之生產力或因此大蒙打擊決非計之得也故此法者在他日生產事業相當的發展之後容或有採擇之餘地今日提倡決非其時其第二法則將生產事業歸國家或地方經營也此法雖原來未有之業亦可以政治的權力創造之助長之在產業幼稚之國本為合宜然欲行此法當先以政治上有完善可信任之組織為前提若欲以行諸今日之中國則國有鐵路卽前事之師有心人何忍更倡此論為蠹國之徒資利用者若曰『到社會革命之後政治必清明』此結論是否正確非屆時不能證明藉曰正確矣然當革命未成以前是否應將生產問題全置不理生產事業不發達是否能有勞動階級無勞動階級是否能有真社會革命然則謂俟社會革命政治清明後乃實行集產主義者直陷於循環論理而已其第三法則提倡各種協社組以從事於互助的生產也此法最中正無弊無論隨時皆可以實行吾輩當以全力提倡無待言矣顧所當問者第一吾輩以言論提倡而事實之應現能否如吾所期第二僅恃此一途是否可以充生產發達之量以完此「救濟失業國

民」之責任。以吾所見，其在鄉間與農業手工業等有關係之協社，成立發展頗不易易。蓋鄉民最富於保守性，一制度之信受奉行必費極長之時日也。至於消費協社，必在工業發達之都會始能存在。質言之，則勞動階級之產物也。勞動階級未發生之國家，消費協社能否有發展之餘地，吾殊不敢言。夫吾輩既認此為中正無弊之一法門，則宜勿問其集事之難易與收效之遲速多寡，盡吾力以提倡之且實行之固也。然斷不能謂專恃此而遂可以達吾輩獎勵生產之目的。蓋吾輩在最近之將來，對於協社無論若何提倡，若何實行，最多不過能增長生產力百分之一二，而我四萬萬同胞受外國資本家之壓迫而失業者什九已相索於枯魚之肆也。此三法者，前兩法既非今日所可行，後一法雖可行而收效甚緩。若是乎中國之生產事業，倘長此終古，斯亦已矣。若有一線之轉機，則主其事者什九仍屬於「將本求利」者流。吾輩若祝禱彼輩之失敗耶，則無異自呪詛本國之生產事業，以助外國資本家張目。若祝禱彼輩之成功耶，則是頌揚彼磨牙吮血之資本主義，與吾輩素心大相刺謬。以吾之愚蒙，對於此一問題利害衝突之兩方面，積年交戰於胸中而不能自決，有生之苦悶，莫過是矣。因此復引起次問題。

第二、今日為改造中國社會計，當努力防資本階級之發生乎？抑借資本階級以養成勞動階級為實行社會主義之預備乎？若採後一法，則現在及最近之將來，對於資本家，當採何種態度乎？

吾輩疇昔所想念，總以為歐美產業社會末流之敝，至於此極。吾國既屬產業之後進國，正可懲其前失，毋蹈其覆轍。彼其病源所在，今既經多人批郤導窾，洞悉無餘蘊。治病之藥，亦粲然具陳於吾前。吾但審擇而採用焉，即可以使我將來之產業界，不致為畸形的發達，而現在歐美糾紛艱險之現象，可以不復發生於吾國也。及至今

日而吾覺此種見解。什九殆成夢想。吾輩先事預防之計畫。或者在農業方面。猶有辦法。然農民最富於保守性。欲倚之爲改造社會之先驅。殆不可能。且在今日之世界。農業亦斷不能離工商業而單獨存在。則問題歸宿到工商業。既歸宿到工商業。則此種極可厭可憎之畸形的發展。即資勞兩階級對立資本家掠奪勞動家賸餘利益之惡現象恐遂不可逃避。而此種畸形的發展。從一方面觀察。雖極可厭憎。從他方觀察。又極可歡迎。其可歡迎之點奈何。夫中國今日。不能不獎勵生產事業以圖救死。而生產事業。什中八九。不能委諸「將本求利」之資本家。前既言之矣。然則今後中國若有資本階級出現。就令其掠奪行爲與歐美資本家相等。或且更甚。然最少總有一部分。得丐其餘瀕以免死。其可歡迎者一矣。不特此也。以社會主義運動之立場而論。欲此主義之傳播與實現。不能不以勞動階級爲運動之主體。勞動階級不存在之國家。欲社會主義之實現。其道無由。而勞動階級之發生。恆必與資本階級相緣。故必有資本階級。然後有勞動階級。有勞動階級。然後社會主義運動有所憑藉。此其可歡迎者二矣。然則資本階級。應專認爲社會主義之敵耶。抑一方面。應認爲敵。一方面。又應認爲友耶。其界限。遂糾紛而不易明。

吾以爲社會主義所以不能實現於今日之中國者。其總原因在於無勞動階級。而聞者或謂不然。謂『中國他物或缺乏。何至並勞動階級而缺乏。除卻少數穿長衣服坐車子的人。此外皆勞動階級也。吾輩言社會主義者。但求與穿短衣服跑腿的人共事。則盈天下皆是。何至缺乏。』此其言雖近似。然細按之。則大戾於名實也。勞動階級者。非游民階級之謂。勞動階級者。以多數有職業之人形成之。其中有時偶失職業或求職業而未得者當然可以爲附屬品此項有職業之人。結合團體。擁護其因操業所得之正當利益。毋俾人掠奪。此在道德上爲至當。在事勢上爲至順。若夫無業游民。則與此異。彼本來並無所謂因操業所得之正當利益。則更何擁護之可言。故勞動階級可以責人掠奪。

其剩餘可以向人索還其所掠奪。游民階級則不能有此權利。游民而分有業者之利益，其事還同於掠奪。今穿短衣服跑腿的人雖盈天下，然其中實分爲勞動者與游民之兩大類。此不容併爲一譚。其屬於勞動者之一類，則可以爲社會運動之主體者也。其屬於游民之一類，則決不可以爲社會運動之主體者也。

勞動階級之運動可以改造社會。游民階級之運動只有毀滅社會。

今論者徒見國中游民之多，而謂吾之社會運動已得有主體焉，此最誤謬之觀察，不可以不明辯也。

問者曰：今國中游民誠多，農民與散工亦正不少，何得遽云無勞動階級？應之曰：今通行「勞動階級」一語，本含廣狹二義。廣義的解釋，自然凡農民及散工悉含在內。狹義的解釋，則專指在新式企業組織之下，傭工爲活的人，而社會運動之主體必恃此狹義的勞動階級。中國則此狹義的勞動者未能成爲階級，故謂之無階級也。而況乎以今日生產衰落之趨勢，農民及散工次第失其業者日衆，行見並廣義的勞動者而亦變爲游民矣。故吾輩渴望勞動階級發生，其情乃益迫切也。問者又曰：今之游民非好爲游民也，以無從得職業故不得已而爲游民。子言社會運動必將彼等排而外之，毋乃不可應之？曰：吾非終排而外之也，俟彼棄其游民資格而取得勞動者資格，則彼自能進而爲社會運動之主體焉，非他人所得而排亦不待他人之勸也。然則如何而能使國中多數人棄其游民資格而取得勞動者資格耶？曰：舍生產事業發達外，其道無由。生產事業發達，凡吾國人消費所需，皆由吾國人自生產而自供給之。此指外人投資在中國辦生產事業而言我之需要品不必仰給於倫敦紐約巴黎大阪，然後我多數人之職業不至爲倫敦紐約巴黎大阪之勞動者所奪。然後我之游民可以減少。而我之勞動階級可以成立。勞動階級成立，然後社會運動得有主體，而新社會可以出現。社會主

義運動不可踰越之階段。殆如此。雖然。於其間有不容忘記之一重要事實焉。曰。勞動階級發生。資本階級亦必同時發生。二者殆如狼狽之相依而不可離。吾儕既希望吾國有真正之勞動階級。而勞動階級與資本階級爲孿生兄弟。若是乎。資本階級所隨帶之罪惡。自必相緣而至。吾儕在今日。不可不先有徹底的覺悟。然後根據此覺悟。以講救治之計畫。質言之。則對於資本家當持何種態度。實今日言社會主義者最切要之間題。概而論之。態度有四。

(一) 抗阻態度 極力防止資本階級之發生。見其有將發生之機會。則務摧壞之。

(二) 旁觀態度 我輩自從勞動方面用功。將資本家之行動置之不論不議。待其稔惡自斃。

(三) 矯正態度 嘉誘警告資本家。喚起其覺悟。使常顧及勞動者之利益。以緩和勞資兩級之距離。

(四) 疏洩態度 設法使生產事業不必專倚賴資本家之手。徐圖蛻變爲社會公共事業。

抗阻態度可採乎。吾以爲不可。在今日採此態度。必妨害本國生產。徒使外國資本家得意而匿笑。且因此阻礙勞動階級之發生。於吾輩之主義爲大不利。其理既如前述。不特此也。資本階級將興於中國。其機運殆已成熟。斷非吾儕微力所能抗阻。吾國之資本家雖不足道。然全世界之資本家。在其本國。各皆已陷於窮蹙之地位。勢必以中國爲逋逃薮。中國秩序稍恢復之後。各國之資本。必如狂瀾倒捲以注於吾土。吾儕欲以微力遏之。必備極艱苦而無寸效。且吾亦何苦如此。彼投資我土。雖云掠奪吾勞力結果之一部。最少尚有餘瀝。以及我。以視昔之隆隆海舶載糟粕而來。刮脂膏而去者。不猶愈乎。而況乎其結果必能爲我產出勞動階級。以爲將來自樹立之基也。故吾以爲資本階級之發生。吾輩抗阻其事爲不可能。且亦誠無抗阻之必要。

然則採旁觀態度何如。吾以爲亦不可。資本主義必非國家終局之目的明矣。不過借以爲過渡過渡之事物而一任其自然之運，必將成爲尾大不掉，積重難返。雖將來終有剝復，然元氣所傷太多，非社會之福。然則所當採者維何？則矯正態度與疏洩態度是已。所謂矯正態度者，將來浡興之資本家，若果能完其「爲本國增加生產力」之一大職務，能使多數游民得有職業，吾輩願承認其在社會上有一部分功德。雖取償較優，亦可容許。惟當設法使彼輩有深切著明之覺悟，知剩餘利益，斷不容全部掠奪。掠奪太過，必生反動，殊非彼輩之福。對於勞力者，生計之培養，體力之愛惜，智識之給與，皆須十分注意。質言之，則務取勞資協調主義，使兩階級之距離不至太甚也。至所用矯正之手段，則若政府的立法，若社會的監督，各因其力之所能及而已。

所謂疏洩態度者，現在爲振興此垂斃之生產力起見，不能不屬望於資本家。原屬不得已之辦法，卻不能恃資本家爲國中唯一之生產者，致生產與消費絕不相謀，釀成極端畸形之弊，故必同時有非資本主義的生產，以與資本主義的生產，相爲駢進。一面政治上若稍有轉機，則國家公營地方公營之事業，便當劃出範圍，在人民嚴密監督之下，漸圖舉辦。一面各種協社，須極力提倡，以傳教的精神策進之。但使能得數處辦有成效，將來可聯合擴充，倘能令生產的中堅力漸漸由公司之手以移於協社之手，則健實之經濟社會亦可以成立矣。然則對於資本家以外的人，當採何種態度耶？申言之，則對於現在極稀微之勞動社會，當採何種態度耶？對於現在大多數之游民，又當採何種態度耶？再申言之，則社會主義的羣衆運動，今日可行否耶？吾以爲吾輩既屬望勞動階級爲將來改造社會之主體，則現在向此方面下功夫，實萬不容緩。不能以其人數之尙少而漠視之。下功夫之法，則第一灌輸以相當之智識，第二助長其組織力，先向彼輩切身利害之事入手，勸其辦一兩件。如疾

之類保險辦有成效。彼輩自感覺相扶相助之有實益。感覺有團體的好處。則真正之工會可以成立。一處成立他處彷行。次第聯合提攜。以產出全國總工會。然後將來之勞動階級得有中樞而一切運動乃有所憑藉也。若以言現在之羣衆運動乎。各工人所在之工廠。若有損害工人利益之行為。工人起而爲示威反對。自非得已。至於在今日而勸之爲主義的運動。或爲他種政治問題的運動。則吾殊以爲不宜。雖有烏獲於此。若童時使扛百鈞之鼎以絕其脰。則終無以成其勇也。凡力未充而濫用之。其所失則亦類是。今日之勞動階級方在髫齡。其力至脆弱可憐也。殊不足以恐脅强有力者使之屈伏。若有彼此抗持之事起。廠主閉廠解雇。不患別募之無人應。彼何懼焉。而工人旣無團中公積以供罷工時之宿糧。相持不一二日而其羣涣矣。若是則運動一度必失敗一度。而其力亦削一度。其氣亦餒一度。此自殺政策也。故吾以爲我輩今日對於勞動階級之態度。當以促成工會爲第一義。必有組織完善之工會。然後可以言作戰。而戰之勝敗。則視工會力量之強弱爲斷。須知吾國勞動階級將來之敵手。非中國之資本家也。中國資本家區區雞肋。抑何足以當尊拳。吾確信在稍遠之將來。必有全世界資本家以中國爲逋逃藪之一日。而中國勞動階級最後之戰勝。卽爲全世界資本主義根株斷滅全世界互助社會根本確立之時。莊子不云乎。『水之積也不厚。則其負大舟也無力。』我國勞動階級旣負此絕大責任。則所以培植之者安得不豫。而所以愛護之者安得不勤。又須知我國人組織能力。本甚薄弱。工會組織又屬難中之難。在今日而言。工會只能謂之在胎教時代。並呱呱墮地之聲且未聞也。如何而使之產生。如何而使之能育成。不致殞天。如何而使之能自動以負荷責任。此真今日社會主義運動家所當寤寐思服者也。吾以爲吾輩宜集中精力以成就此著。此著若就以後無事不辦。若以無組織之羣衆。作無氣力之運動。是猶責胎兒以殺敵致

果其必無幸矣。

至於對游民階級，吾以爲當盡力設法，使之逐漸變爲勞動階級，然後與之共事。當其未豹變以前，則宜勿以爲緣。若利用游民以行社會主義運動，其結果必至毀滅社會主義，何也？

勞動階級運動之結果，能產出神聖之勞動者。游民階級運動之結果，只有增加游民。

種瓜得瓜，種豆得豆。此事理之無可逃避者也。今之社會主義運動家，或以熱心太盛之故，深嫉乎有產階級智識階級之腐敗不足與語也。又見乎勞動階級之人少而力微，且性質亦帶保守，不易鼓動也。於是「爲目的不擇手段」，轉而思利用游民。夫天下之最便於利用者，誠莫游民若也。而利用所生之結果，必至全反其所期。今試執共產主義以告任何階級之人，未必能信受也。即信受未見能奉行也。試以語半兵半匪之軍隊，則彼可以「聞斯行諸不俟終日」。數月以來，高陽兵變，宜昌兵變，皆籍市民之產而朋分之。彼奚不可以曰：『吾爲實行共產主義來也。』試問社會運動之名義，若爲彼輩所假借，則玷此名義爲何如者？而國家元氣之療喪又何如者？故吾願真愛國真愛主義之人，慎勿出此也。

綜括以上大意，其所推論事理之要點如下。

- 一 非獎勵生產事業，則全國人非久且療死，更無何種主義之可言。
- 二 獎勵生產事業之結果，資本階級必發生，其相緣之毒害非隨而發生。
- 三 資本階級發生，則勞動階級亦成立。然後社會主義運動乃有所憑藉。
- 四 全世界資本主義之存滅，可以我國勞資戰爭最後之勝負決之。

五 游民階級假借名義之運動對於真主義運動之前途無益而有害。

根據以上事理以爲吾輩今後進行方針如下。

- 一 對於資本家採矯正態度先在勞資協調的狀況之下徐圖健實的發展。
- 二 極力提倡協社使全國生產之中樞漸移歸公衆之手。
- 三 謂勞動團體之產生發育強立以爲對全世界資本階級最後決勝之準備。
以上所論不知能否對於尊論有所發明補正僕對此問題之解決今猶在苦悶求索中殊不敢自謂有真知灼見冀普天下同主義之人有以教之耳（十年一月十九日）

政治運動之意義及價值

一年以來國民運動之機運句出萌達而其運動方向由政治方面逆振於文化方面根柢漸臻沈厚而精神亦漸歸健實此誠極可喜之現象也雖然對於政治運動全然漠置甚且以厭惡之心理迎之卻非所宜請言其故政治運動在今日之中國確爲一極可厭惡之名詞其故蓋由前此吾國人以政治運動自命者全不解政治運動爲何物輒假此名以營其私一般之人亦誤認所謂政治運動者果如是如是則羣視爲社會之盜賊而稍自愛者皆避之若浼亦何足怪今先述政治運動之定義如下。

政治運動者國民中一部分爲保存國家及發展國家起見懷抱一種理想對於政治現象或全體或局部的政治運動者國民中一部分爲保存國家及發展國家起見懷抱一種理想對於政治現象或全體或局部的

革命之公共目的所採之一種手段也。

準此以談則

一 凡以個人權利之觀念爲動機。如現在官僚所謂運動者。不得冒稱政治運動。何以故。以其與國家公共目的無關故。

二 運動土匪運動軍隊爲無意識之騷動者。不得冒稱政治運動。何以故。以其並無何等理想故。

三 向當局要人上條陳或爲參謀議者。無論其動機是否忠於國家。皆不得冒稱政治運動。何以故。以其非與多數人協同動作故。

四 黨派間之縱橫捭闔。此迎彼拒。無論其目的在私利在公益。皆不得冒稱政治運動。何以故。以其不公開故。

五 一時感情的衝動旋起旋滅者。雖其動機關於政治。仍不得遂稱爲政治運動。何以故。以其不公開。不求貫徹故。

非政治運動者。既已揀辨如右。則真政治運動。其特質可得言焉。

第一 運動主體必爲一般市民。

第二 運動範圍必普及於全國。

第三 運動之標幟。必爲全體的或部分的公共利害事項。

第四 運動之動機。爲對於現在政治感不滿足。

第五 運動所對待者爲外界襲來的或內部積久養成的各種不正當之壓力。

第六 運動之方法爲散布印刷品爲公開演說而聚衆示威。

第七 運動之結果爲將所要求之事項在憲法上或法律上發生效力。

條約上對外則

歐美政治所以組織日新而基礎堅實者蓋凡百政制皆經一度或數度極熱烈之國民運動而來一政制之成立也國民皆了解其意義故其運用之也甚嫻且其得之也甚難故其珍護而保持之也甚力自古代希臘羅馬以至中世南北歐之自由市府莫不皆然最近兩世紀間歐美之政治史更以此爲唯一之主潮最著者若被征服民族之建國運動若殖民地對母國之獨立運動若平民對貴族之革命立憲運動若多數人對少數人之普通選舉運動若無產階級對有產階級之種種社會主義運動其借局部問題以發端者若英國之穀稅運動若美國之禁奴運動其純限於局部問題者大之如各國之婦女參政運動小之如美國之禁酒運動雖其事業之大小輕重不同其成就之難易不同然其必由運動而成則一也中國歷史上之政治運動殆可謂絕無其稍近似者則東漢晚明兩次對付宦官頗極壯烈然其運動主體不過少數之士大夫此外則罷市罷考時有所聞實羣衆勢力之一種表現但其範圍只限於一地方其所標幟者率皆薄物細故於政治大體無與焉近年來帶有政治運動色彩者最初則爲對馬關條約之公車上書然其性質與東漢晚明所謂士氣者正同不普及也降至清季排滿運動備極壯烈然以形格勢禁勢不得不出於祕密因祕密之故而生變質以土匪軍隊爲中堅而不以一般市民爲中堅民國所以不獲清明鞏固禍根實伏於此然辛亥革命發難於爭鐵路國有則國民運動之成效固章章可睹也此外則對外問題間有發動其在前清則粵漢鐵路事件之對美片馬事件之對英二辰丸

及取締留學生事件之對日，其在民國，則二十一條密約軍事協定和會上山東問題之對日，皆其最顯著者也。綜觀以上事實，則我國過去之政治運動，其特質可得指陳焉。

其一 對外問題易發動，對內問題難發動。

(例證)自公車上書至五四運動，凡壯烈之舉，以對外為動機者什而八九。

(原因)一由多數人民對於外界侵辱，感受刺激較敏銳，對於內部壓制，歷史上習而安焉，神經殆瀕於麻木。二，對外事件當局不願直接施壓制，有時且暗表同情，故運動範圍較易擴大。

(缺點)對外運動，在各國政治運動史上，原不失為一重要之位置，但其運動之有效，不出二途，一、政府已確立一種對外政策，而國民為之後援，二、國民不滿意於現政府之對外政策，易一政府，而新政策立可實現，質而言之，必以政治修明，政府可用為前提，然後對外乃有可言。我國始終缺此前提，故對外運動，無論若何熱誠，若何激烈，皆以失敗終了。

其二 對人問題易發動，對事問題難發動。

(例證)如東漢晚明之對宦官，最近之對袁世凱，對段祺瑞，對曹陸等，乃至粵人之對龍濟光，湘人之對張敬堯，津人之對楊以德等，皆是。

(原因)由人治主義之觀念傳襲已久，以為國之禍福，皆由一二人尸其功罪，故以攻擊個人罪惡為標幟，最易號召。

(缺點)此種運動，實際上補益於國家者甚微，蓋非稔惡之人，不能成為攻擊之目標，及其成為目標，則國

事之敗壞於其手者已不知凡幾。雖去之而所損已不可復。竭全力以赴以去一人而與之代興者亦一邱之貉。更待其稔惡然後成目標。然後謀去之。輾轉相嬗。而國之元氣盡矣。

其三 以事而論。則枝葉問題較易發動。根本問題極難發動。局部問題較易發動。全部問題極難發動。
(例證)如爭一鐵路。爭一礦產。運動最易有力。如日本取締學生。遂有全體回國之運動。如地方上事件。最易起罷市運動。

(原因)由多數人識力幼稚。於具體一事件之利害。尙或能理解。至於抽象的利害及各事件間相互之因果關係。非用稍繁複之推論。不能說明。羣衆對之。已不甚親切有味。又因交通未大通。社會組織不完。人與人地方與地方間相互之密度。不能如他國之黏切固結。故多數人對於全國公共問題。以視一地方一局部之間題。其感覺力較鈍。

(缺點)從具體的局部事項入手。使人人直接感切身利害。誠不失爲運動之一良法。但天下事大抵非根本問題解決。則枝葉問題無從解決。而根本一旦解決。則枝葉往往迎刃而解。今專從枝葉下手。無論什有九不能得結果。即有所得。亦殊不徹底。而凡一運動之成功。皆須出極大代價。獅子搏虎。搏兔。用力等耳。一國中有熱心毅力能爲運動中堅者。其人本自不多。其日力精力亦正有限。枝葉問題所耗太多。根本問題必至閑卻。且枝葉問題層出不窮。日日應付。運動屢起。能使國民厭倦。減其效力。故此種運動。雖感情勝無。吾總認爲不經濟的運動。

其四 對於補救既往的易發動。對於建設將來的難發動。